



საქართველოს მთავრობის განკარგულება

№1686 2016 წლის 16 აგვისტო ქ. თბილისი

შპს „საქართველოს აეროპორტების გაერთიანებისა“ და შპს „საქაერონავიგაციის“ მიერ სახელმწიფო შესყიდვის გამარტივებული ელექტრონული ტენდერის მეშვეობით განხორციელებისა და ამბროლაურის მუნიციპალიტეტში ადგილობრივი აეროპორტის მშენებლობის, აღჭურვის და ოპერირების მიზნით განსახორციელებელი ღონისძიებების შესახებ

1. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით:

ა) შპს „საქართველოს აეროპორტების გაერთიანებას“ მიეცეს უფლება დავით აღმაშენებლის სახელობის ქუთაისის საერთაშორისო აეროპორტში საჰაერო ხომალდების სადგომის (ბაქანის) გაფართოების სამშენებლო სამუშაოების შესყიდვა განახორციელოს გამარტივებული ელექტრონული ტენდერის მეშვეობით;

ბ) შპს „საქართველოს აეროპორტების გაერთიანებასა“ და შპს „საქაერონავიგაციას“ მიეცეთ უფლება ამბროლაურის მუნიციპალიტეტში

ადგილობრივი აეროპორტის მშენებლობა, აღჭურვა და ოპერირებაში შესაყვანად აუცილებელი სრული საპროექტო მომსახურებისა და სამშენებლო სამუშაოების შესყიდვა განახორციელონ გამარტივებული ელექტრონული ტენდერის მეშვეობით.

2. დაევალოს სსიპ „სახელმწიფო ქონების ეროვნულ სააგენტოს“, უზრუნველყოს შპს „საქართველოს აეროპორტების გაერთიანებისა“ და შპს „საქაერონავიგაციის“ მიერ, შემჭიდროვებულ ვადებში ამბროლაურის მუნიციპალიტეტში ადგილობრივი აეროპორტის მშენებლობა, აღჭურვა და ოპერირება, საქართველოს კანონმდებლობის შესაბამისად (შპს „საქაერონავიგაციის“ მხრიდან განსახორციელებელი ღონისძიებები მოიცავს სანავიგაციო ინფრასტრუქტურის მშენებლობას, აღჭურვასა და ოპერირებაში შეყვანას).

3. ამ განკარგულების მე-2 პუნქტით გათვალისწინებული ღონისძიებები შპს „საქართველოს აეროპორტების გაერთიანების“ მიერ განხორციელდეს მესამე პირებისგან მოზიდული თანხებით (სესხით), ხოლო შპს „საქაერონავიგაციის“ მიერ - საკუთარი ან/და მოზიდული სახსრებით.

პრემიერ-მინისტრი

3-1300

გიორგი კვირიკაშვილი